

optica moderna



SPRITZER + FURMANN


# ARUBA ANSE COURANT



Diario pa



Aruba



ANJA 23

DIARAZON 10 OCTOBER 1962

No. 4461

## Asamblea di Nacionnan Uni a bira escenario di demonstracion

NEW YORK, 10 oct. — Ajera e sala di Asamblea General di Nacionnan Uni tabata e escenario di demonstracion pa y contro regimen cubano. Esaki o tuma lugar durante discurso di e president cubano, Osvaldo Dorticos, cu a haci un atoke riba Estados Unidos. Hodi bisho adversarionan di su gobierno, cu to sintio riba tribuna publico, a interumpi su discurso.

### Muhernan saca for di tribuna

Na otro banda di tribuna, partidariannan di regimen di Fidel Castro, tabata aplaudi e president cubano. E partidariannan di regimen cubano ta principalmente delegadonan di bloke comunista. Guardianan di Nacionnan Uni, a saca diferente persona di tribuna, entre otro hende muher.

Na un cierto momento, e presidi-  
dent di Pakistan, Zafroella Chan, a  
amenaza di sali di tribuna, si nan sigi  
cu interupsion.

FATUM — Tel.: 1845  
pa tur bo asegurado

Dorticos a acusa Merca di complot  
pa tumba e regimen di Fidel Castro  
por medio di sabotaje, accionnan se-  
cretas, preparacionnan pa invasion,  
entre otro esun di anja pasa, y tambe  
di atakenan personal, spionaje, y mas ac-  
cionnan. El a pidi Nacionnan Uni, pa  
bisa tiki nan ta pensa di hachonnan  
agresivo aki cu e Mericanonan ta haci  
pa somete Cuba na un blokada econo-  
mico.

Cuba ta prepara, pa delibera cu  
Merca tocante un arreglo di kestionnan,  
y Cuba no ta desea pa ehucuta su ide-  
ologia revolucionario na otro parti di  
hemisferio occidental. Pero si nan  
ataka e isla, asina Dorticos a bisa, Cuba  
lo responde atake, y esaki por para  
bira un guerra mundial. Dorticos a

muistra tambe riba e solidaridat cu  
Union Sovietica a muistra Cuba, den  
caso di un guerra. Delegadonan di  
bloke Sovietica y tambe algun Afri-  
cano a aplaudi Dorticos durante un  
minutu.

### Contesta di Stevenson

E delegado Mericano, Adlai Steven-  
son a contesta, cu un hefe di estado,  
segun tradicion, tin e deber den un  
discurso pa e organizacion mundial  
aki, pa no haci mal uso di palabra cu  
nan ta consedie, y como hefe di  
estado mester papia constructivo.

President di Cuba a culpa su mes  
na calumnia, y a cambia aspecto di  
asuntunan. Stevenson a rechaza des-  
pues na un conferencia di prensa, e  
oferta pa deliberacionnan entre Cuba  
y Merca cu e palabranan aki: „No  
por wordu delibera tocante mantencion  
di comunismo den hemisferio occiden-  
tal. Si Cuba kier papia cu Merca e  
mester cuminsa cu kibra relacionnan  
cu e bloke comunista, asina e dele-  
gado Mericano a bisa. Tambe pafor  
terreno di Nacionnan Uni, polis mester  
a mantene orden, entre demostra-  
cionnan cubano, cu tabata cana cu le-  
manan scribi riba borch y tabata grita  
lemanan.

### Mr. Schurmann den Asamblea General

E representante permanente Hulan-  
des cerca Nacionnan Uni, mr. C.W.A.

Schurmann a bisa ayera den su dis-  
curso den asamblea general di Nacion-  
nan Uni, cu su delegacion ta considera  
e plan di Nacionnan Uni, pa para,  
durante 10 anja largu, bon atencion  
na e desarollo di paisnan menos desa-  
rolla, como un dje puntanan di mas  
importante riba e actual agenda. Si  
parlamento ta aproba, Hulanda, lo au-  
menta su contribucion anual, for di e  
anja cu ta bini, di 2.6 pa mas o menos  
4 million dollar y pa e programa ex-  
tenso pa ayudo tecnico, di 1.5 pa 1.8  
million dollar pa anja. Tambe nan a  
dici di pa pone 1.5 million dollar na dis-  
posicion di fondo mundial di provi-  
sion di Nacionnan Uni, y e organiza-  
cion di cuminda y agraria.

Tambe Hulanda a dicidi pa pone  
un million dollar na disposicion di se-  
cretario general pa un instituto inter-  
nacional cu durante cinco anja larou  
lo ehucuta trabanon científico y riba  
terreno social y economico. Senor  
Schurmann a bisa, cu ta bon cu Na-  
cionnan Uni, a aumenta nan miembro-  
nan y tambe conseho social y econo-  
mico. Schurmann a critica Union So-  
vietica y otro paisnan comunista. Sen-  
ior Schurmann a bisa tambe cu el ta  
desea pa nan studia cuidadosamente e  
proposicion pa un sesion permanente  
den asamblea general. E debate ge-  
neral lo dura tres o 4 siman, cu par-  
ticipacion di lidernan di gobierno y  
ministranan. Den un cierto luna nan  
por delibera di diferente asuntunan.

Tambe senor Schurmann a duna bien-  
venida na e paisnan noba, manera,  
Rocanda, Boerendi, Jamaica, Tri-  
nidad y Tobago, y tambe Argelia, den  
e organizacion mundial aki.

Nos ta contento, cu dos pais di  
hemisferio occidental a bira asina de-  
sarolla cu nan a bira miembro di Na-  
cionnan Uni. Y tambe cu nan ta man-  
tene bon relacionnan cu e dos partinan  
di reinado, den nan becindario, entre  
otro Surinam y Antillas Neerlandesas.



Aqui nos ta mira e master y e palunan den cual e boorkop  
dije cutterzuiger „Caribbean“ tabata cologa, ta forma un  
cuadro particular pa tira un bista riba dje na e haf di ac-  
tividad na Oranjestad.

## Programa di recepcion na Aruba di delegacionnan Parlamentario

ORANJESTAD, 10 oct. — Awe  
manta 8.30 delegacionnan parlamenta-  
rio for prome y segunda Camara di Sta-  
ten General di Hulanda, Staten di  
Surinam y Staten di antillanan neerlan-  
des a yega Aruba pa un bishita cu lo  
dura te otro majan manta. Riba aero-  
puerto e huespednan alto a ser jama  
bonhina pa Gezaghheer Interino I. S. de  
Cuba, vice-president di Staten Osvaldo  
Croes y secretario insular L.C.M. Ker-  
stens.

Di aeropuerto e comito a dirigi na  
Aruba Caribbean Hotel, na unda e so-  
bra deputadonan di Aruba tabata pre-  
sente pa cerra conoci y salud e bish-  
tantenan. Tambe tabata presente e m.  
general manager di hotel Gene Barry.  
Den sala di conferencia dje hotel e  
huespednan a reuni pa 10'or cu BC,  
afin di por scucha aya na un aplica-  
cion tocante proyectonan di urgencia  
di Aruba. Awe noch miembronan di  
Staten di antillanan neerlandes ta ofe-  
re e recepcion na e huespednan alto  
aqui.

### Paseo circular

Pa majan manta tin riba programa  
un paseo circular na e diferente pro-  
yectonan. Pa 9'or lo nan sali for Aruba  
Caribbean Hotel pa bai haci un bishita  
na Mater Dei Huisoudschool na Oran-  
jestad. Pa 9.30 nan lo bandona e school  
aqui trobe pa bai tambe na Colegio  
Arubano, y HBS arubano. Aya nan ta

queda 15 minuut, pasobra 9.55 nan ta  
ser spera na ATS y 10.15 nan ta ser  
spera na Baredera pa un paseo rond  
di e terrenonan di industria y na e  
fabrica di amoniak cu nan ta trahando.  
Y mescos cu algu prome e manta ei  
nan lo tuma pausa na haf di Oranjestad,  
afin di hanja aya un idea dje realidad  
dje mehoracion cu aqui a ser realiza cu  
ha-den cuadro dje proyectonan di ur-  
gencia: asina ei lo nan stop tambe un  
ratu na camina pa Baredera na aero-  
puerto, na unda masha cla por hanja  
mira den cual direccion e startbaan pro-  
longa ta bini y com e ta ser realiza.

Despues di un bishita di mei ora na  
Baredera nan ta bai Batashi, afin di  
hanja aya un idea dje plannan di ex-  
tension cu BC ta caricia pa cu extension  
dje fabricanan aqui. Di Balashi e pa-  
seo ta sigui via Village, na unda e par-  
lamentariannan por orienta nan over di e  
plan di saneamiento dje parti di ciudad  
aqui, na Lago unda directie lo ta algun  
ora hospitalario na luga di Bestuurs-  
college.

Majan anochi tin un barbecue riba  
terreno di Aruba Caribbean Hotel, cual  
ta ser ofreci door di BC di Aruba na  
delegacionnan parlamentario. Dia Vier-  
nes manta pa 9'or e comito aqui ta  
sigui nan viahe pa Bonaire.

RON BOCOY  
Exquisito - Pruebelo hoy.

FIN DI NOVEMBER  
„BANDSTAND“ ARUBA  
1962

ORANJESTAD, 10 oct. — Y's Men's  
Club ta bai organiza e anja aqui tambe  
un „bandstand“, un anochi di musica,  
na cual ocasion tur banda, conjunto,  
trio i Mariachi, esta: tur companianan  
musical di Aruba lo duna nan coopera-  
cion gratis. Distinto di anja pasa cu  
e „Bandstand“ a ser ofreci den Club  
Boneriano, e bishita aqui nan a tira  
bista riba Lago Heights Club. Ta spera  
cu e evenemento aqui lo por tuma luga  
riba dia 24 di november of 1 di decem-  
ber. E prome parti dje anochi lo tin  
un show, mientras lo sigui despues cu  
baliamentu.

Entrada die „Bandstand“ aqui lo ta  
completamente na finnan caritativa.

## PARKER 45 arrow pen

PREIS

F. 6,-

Zakje met 5 patronen  
F. 0,50

AGENTEN: MARCHENA MORON & Co. N.V.

- \* Forticel dop
- \* Drukknop-vuller en gratis
- \* Twee inktpatronen
- \* 14 krt. gouden pen.

Verkrijgbaar in alle  
boekhandels en betere  
zaken.

## IRREGULARIDADNAN NA ZUID RUSIA

WASHINGTON, 10 oct. — E vocero  
dje ministerio mericano di exterior a  
anuncia durante un conferencia di pre-  
nsa, cu e ministerio a ricibi noticianan  
tocante irregularidadnan den territorio  
di Rostov, na Sur di Rusia.

E irregularidadnan aki a tuma lugar  
den curso dje anja aki. E vocero a duna  
e noticia aki como contestacion riba  
preguntanan den prensa mericano, cu e  
ministerio di exterior ta colecciona reu-  
nionnan di protesta y irregularidadnan  
na Novosierkask un ciudad industrial  
na 30 km. na noord-oost di Rostov.

E vocero no kier a duna mas detaye  
tocante e kestion aki, pero funcionario-  
nan mericano a declara cu e gobierno  
a ricibi noticianan cu ta indica, riba  
irregularidadnan, cu a causa bida di  
hopi hende. Segun rapportnan cu e mi-  
nisterio a ricibi, asina e funcionariannan  
ta bisa, e irregularidadnan aki ta con-  
secuencia di aumento di prijs di man-  
teca y carni, y tambe e falta di cuminda.  
Ministerio no a ricibi datonan exacto to-  
cante e cantidad di irregularidadnan, pe-  
ro ta parece completamente cla, cu basta  
hende a muri na e irregularidadnan  
menciona. E calculacionnan dje canti-  
dad di victima cu nan a ricibi na Wash-  
ington ta varia entre 50 pa te cien mor-  
to. Tabata inclui den e irregularidad-  
nan aki campesinonan hoben y tambe  
estudiantenan dje colegio tecnico.



## HORTAMENTU DI JOYAS NA LONDEN

LONDEN, 10 oct. — Den e ultimo  
fin di siman nan a horta den dos joye-  
ria grandi na Londen pa un babor di  
en total mei million florin Antillano.  
Den e edificionnan dje dos joyeria, cu  
ta situa na Shaftesbury Avenue den  
curazon di e capital Ingles, nan a kima  
habri como cinco brandkast, despues  
cu nan a destrui instalacion di alarma.  
Y e ladronnan tabatin tur tempu pa  
traha sosega.

## NEL OOSTHOUT PA ARUBA

ORANJESTAD, 10 oct. — Tin tra-  
tamentonan actualmente ta tumando  
luga entre bestuur di Arubaanse Kunst-  
krine, un empresario na Hulanda pa  
un funcion di un artista Hulandes Nel  
Oosthout na Aruba. E intencion ta  
di larga Sra. Oosthout presenta cum-  
plimento di november den Esso Club i  
luga den Cultureel Centrum. E artista  
aqui cu a yega di presenta cuba na  
Aruba 12 anja pasa ta duna funcion  
tantu na Ingles como na Hulandes. Su  
numeronan di mas fuerte ta „Jeanne  
d'arc“ di George Bernhard Shaw. Nel  
Oosthout a termina cu exito un torneo  
door di Inglaterra y India.

Esaki ta e cutterzuiger „Carib-  
bean“ di Atlantic Gulf and Pacif-  
ic Company, cu a yega siman  
pasa y cu lo cuminsa den un dje  
dianan aki na jena e terreno di  
extension dje startbaan dje aero-  
puerto.



beans in every cup of

NESCAFÉ

The all coffee instant coffee with the  
„Let's have another cup“ taste.


It's no secret that extra coffee beans make  
coffee extra good. 43 choice, deep-roasted  
beans go into every flavorful cup of today's  
Nescafé. No other coffee... no matter how  
it's made... tastes so fresh, so friendly, so  
completely satisfying. In today's Nescafé,  
the accent is on coffee!

Got NESCAFÉ today!

blended and roasted  
... to your taste







## ADMISION A.V.P. DEN GOBIERNO TA FORMA OBSTACULO

*Punto de vista di e partido aqui rechaza como descriminacion*

(Di nos corr. na Corsow)

GRANJESTAD, 10 oct. — Na esfuerzonan na formacion di un gobierno antillano nobo, Arubaanse Volkspartij ta hunta un rol, cu lo par ta di nificacion di sobrepeso. E punto di vista cu a ser tuma pa lider di A.V.P. a ocasiona un reaccion completamente negativo cerca directivanan di Partido Democraat y Partido Patriotico Arubano. Haciendo asina, mester tene cuenta seriamente cu si toch mester forma un gobierno riba base amplia, esaki lo ta onto un kabinet sin participacion di AVP, asina nos ta informacion fuentenan digno di confianza na Aruba.

Durante e consulto cu sr. R. Isa, ken de encarga pa gobernacion a cuminsa cu su discusionnan di orientacion riba dia 28 di september na sr. C. A. E. Eran den su calidad di president di A.V.P. a insisti riba igual representacion di su partido cu P.P.A. den e gobierno cu ta bai ser forma. Na e ocasion aki el a duna di conoce cu na eleccionnan di 4 di juni n.p., wel ta berdad cu PPA a hanta 5 ciento den Staten, contra su partido 3, pero en realidad el a hanta mas tanto "voto ambiguo". El a muestra aki cu e votonan ta maveria di PPA, tabata principalmente di "astranjeronan" na Aruba.

### Negativo

Informateur Isa na continuation di su consulto a duna esaki di conoce na directivanan di e otro partidonan politico. Y aqui el a dai contra un reaccion completamente negativo cerca DP, P.P.A. E partidonan aki tabata considera e opinion di sr. Eran como un prueba convincente di descriminacion, a base di cual cooperacion cu AVP ta ser considera imposible. Den circulanon aki nan a papia di exigencianan irrazonable di AVP.

Un proposicion di AVP pa realiza e cooperacion inmediatamente tambe riba nivel insular na Aruba a ser considera di no ta actual, pasobra ta trata di formacion di un gobierno central.

A base di esaki actualmente circulanon politico ta di opinion cu practica-

mente e formacion di un gobierno cu cooperacion di AVP no por ser realiza. Pesei nan ta pensa avor na formacion di un equipo di ministracion cu en todo caso tin 19 die 22 miembronan di Staten nan tras. Esaki lo bira auto e combinacion DP-PPA-NVP. Den e relacion aki un proposicion a ser haci riba base di tres cartera pa DP, tres pa NVP y dos pa PPA, un equipo auto di 8 ministro, sin conta e ministro plenipotenciario na Hulanda.

Comienzo un cooperacion semehante na un tin ocasion di logra exito, esei e informateur no por bisa nada te despues di 14 dia di orientacion.

### Cooperacion

E punto di salida ta forma e posicion, cu solamente un gobierno riba base amplia por bini na realizacion ora cu e voluntad na cooperacion ta presente cerca tur partidonan interesa, pa por combati huntu e situacion dificil den cual Antillan Neerlandes ta hanta nan tanto riba terreno economico como financiero.

Un semehante cooperacion loyal no mester ser ataca pa manovra di partidonan mutipamente. Pesei tambe cu e punto de vista di AVP a ser tuma masha serio cerca DP y PPA.

Comprendiendo e contrastenan entre e partidonan politico respectu e problema di primer orden, un kabinet basa riba un igual proporcion entre e actual

partidonan di gobierno y e oposicion, por ocasiona dificultadnan practicamente masha grandi, asina ta opinion den circulanon politico.

Den un proporcion di 3-3 of 4-4, den raad van ministers e votonan por empatia y e ora ei decisionnan necesario lo no por ser realiza.

AVP a muestra su mes partidario di e proporcion di 4-4 inclusa e ministro plenipotenciario.

### Combinacionnan

Tabatin entrecambianon entre e informateur y diferente directivanan di partidonan politico over di diferente combinacionnan. Aki tabatin conversacion di tension di e numero di ministracion na nuebe, cen un stadium mas despues, di eleccionnan di Eilandsraad otro anja. E ora ei lo tin 3 cartera pa DP, tres cartera pa PPA y tres pa NVP, exclusivo e ministro plenipotenciario. E idea aki NVP no por a acepta, mientras NVP a duna di conoce di ta aprecia participacion di AVP den gobierno.

Den circulanon politico di Aruba ainda no tin ningun indicacion cu e impasse aki lo por ser livida di tal manera cu e combinacion di DP y PPA ainda lo por bai di acuerdo cu participacion di AVP den un raad van ministers cu lo ser forma.

### ESCUDO CH'LENJO A BAH

SANTIAGO, 10 oct. — President Jorge Alessandri Rodriguez di Chile lo duna awe via di un transmision na radio un explicacion di e medidanan financiero nobo, cu segun nan ta calcula lo ta devaluacion di escudo Chileno.

E minister di finanzas Luis Mac Kenna, a bisa ayera noch na periodistanan, cu e proposicionnan lo worde haci awe tardi na Banco Central.

E minister a ninga di bisa kico ta e bator nobo di escudo. Si el a bisa, cu e medidanan financiero lo ta di un caracter di bloqueda.

E minister a bisa, cu e aplicacion general di sueldonan pa proteccion e gastonan di manutencion pa obreronan a worde investiga minuiciosamente contra e peliger di devaluacion.

El a bisa tambe, cu tur medidanan financiera y economica lo worde tuma pareu. Esey tambe en conexion cu e trafico di pago na exterior.

Na dr. G. Hopkins, medico na Corsow, a ser entrega ahera malta e adurmanan p'aciente na e distincion concedi na dje como Caballero den Orden di Oranje Nassau. Aki nos ta mira Gobernador Debot ta e ectica e solemnidad aki di distincion den su palacio. Dr. G. R. Hopkins a nace dia 7 di juni 1884 na Brewster (Maine) y foi 1908 te 1934 e tabata trata como dokter di gobierno na antillanan neerlandes. Na principio el a establece su mes na Saba, fol unda e mester a duna servicio tambe na St. Eustatius. Luego el a bai St. Maarten. Durante su veriof europeo den gera mundial e tabata hael dlemt como medico rha un hospital-kerkschip „De Hoop“, cu tabata sali cu e flota di piscadoran. Despues Aruba a bira su standplaats y na 1922 a sigui su overplaatsing pa Corsow. Despues di 1934 cu el a hanta su pensioen, el a specializa su mes como oculista y a cuminsa un practijk particular. Alunda diariamente por hante pa consulta den su oficina na Heerenstraat.

### PROPAGANDA NA LATIN

CIUDAD DEL VATICANO, 10 oct. — E corant di Vaticano „Osservatore Romano“ tabata contiene ayera un anuncio di un compania internacional cu ta huur auto. E anuncio aki ta den latino, y ta trece relacion y otro nan cu ta tuma parti na e concilio pa huur autonon nobo y ta garantiza tambe e mayor seguridad y bon condicionnan.

### PRETENCION RIBA TRONO DI JEMEN

Segun e agencia di prensa na medio-oriente, Emir Seif El Hassan, cu ta pretende trono di Jemen, ta actualmente na Aden, caminda e ta huesped di representante di Jemen den e lugar aki. Segun noticianan, Emir El Hassan, ta na noord di Jemen. Tambe e agencia di prensa a anuncia, cu regularmente Emir ta ricibi refugiadonan for di Jemen y miembronan di conseho supremo di federacion di Zuid Arabia, y cu nan ta haciendo den e protectorado Ingles arestacionnan masal. E gobierno di Jemen, a pidi Egipto, pa manda 52 experto cu lo wordu inzala den diferente ministerionan.

### Bo dia lo cuminsa feliz si bo desayuno tin koffie MOKA y sucu CISNE.

### INGLATERRA Y EEG

BRUSSEL, 10 oct. — Despues di un interrupcion di mas di dos luna nan a reanuda e deliberacionnan tocante e peticion Ingles pa afilia na e comunidad economico Europeo. E mayor parti di e reunion entre e ministrernan di e seis paisnan di EEG y e delegacion Ingles baa di direccion di minister Heath a worde dedica na arreglo di e demas trabanon na fin di e anja aki.

Pero den circulanon di conferencia nan ta considera casi imposibel cu pa fin di e anja aki tur problemanan mas importante por ta solucionado.

### IRREGULARIDADNAN NA STO. DOMINGO

SANTO DOMINGO, 10 oct. — E huelga di obreronan den fabricanan di sucu na „La Haina“ banda di Santo Domingo, cu a cuminsa diasabra, a produci ayera diferente incidente.

E multitud a trata pa cende diferente edificio, entre cual un misa, na candel. E edificio di un seccion di e partido Union Popular Nacional a worde destrui mientras cu e edificio di e emisora „La Voz Tropical“ a sufri algun danjo. Pa for di diadomingo e huelgistanan ta ocupa e fabrica di sucu. Nan ta exige un mayor parti di e ganashi di e empresa di estado, di loke cu gobierno a ofrece nan poco tempu pasa.

YABI

pa bo exito

Avisa den  
Arubaanse  
COURANT  
resultado!  
y compara e

Wimco

Bo a purba nos  
tin e surtido mas grandi di licore.  
HARVEYS Manzanas Sherry  
cuba??

20% DI REBAHA ARIBA  
SET DI VERANDA  
DI ROTAN



Den diferente color  
y estilo.  
Bin escohe bo set awe mes!  
LA LINDA

### DECLARACION DI GOBIERNO VENEZOLANO

CARACAS, 10 oct. — Gobierno Venezolano ayera a duna un declaracion, den cual e ta splica su decision, pa suspender constitucion pa henter e pais. Segun gobierno nan a descubri un plan comunista pa comete asaltonan contra propiedadnan y personanan. Den ultimo siman nan ya tabatin algun acto di terror.

Den e declaracion nan ta bisa tambe, cu nan ta lista casnan na Caracas, y cu te awor aki 160 persona a worde aresta.

### DESGRACIA SERIO PREVENI

Actid rapido di un stationchef na un lugar na e riel di trein Witten-Hagen, den roergebied, ayera a evita un desgracia hopi serio. El a mira e trein di maseho, cu mester a para na su station, bini bai cu mesun velocidad cu e otro bini.

Y e trein directamente un alarma e trein par a worde para automaticamente. Nan a hanta e manchador y su ayudante for di nan conecionnan den e cabina. Autoridadnan di ferrovial ta calcula, cu un steiger, cu nan a traha over di e riel pa drecha un senjal, a dal den e glas padilanti di e trein y herida e dos hombernan.

### GRECIA Y CUBA

ATENA, 10 oct. — E federacion Griego di companianan di nabegacion a conseha su miembronan fuertemente pa nan abstene nan completamente di transportacion di carga pa y for di Cuba.

Den un comunicado di e federacion nan ta bisa cu e companianan ta convencidi di e dificultadnan pa Merca cu ta surgi for di e kestion Cuba, y pa esey nan ta atene nan e recomendacionnan di gobierno Griego den e kestion di trafico di comercio.

### DIFICULTADNAN NA ELISABETHSTAD

ELISABETHSTAD, 10 oct. — President Chombe di Katanga a declara ayera mainta, cu trupanen di Nacionnan Uni a rondona e oficina principal di post na Elisabethstad y cu nan a rancia bai cu un colonie fuerte arma rha un posicion di Katanga. Tambe oficina di belasting ta rondona.

Den un protest na e representante interino di Nacionnan Uni e president a bisa, cu Nacionnan Uni ta haciendo un operacion grandi pa intimidacion y provocacion.

### HUELGA DEN HOSPITALNAN ITALIANO

ROMA, 10 oct. — Ayera tur verpleegsteran, y otro miembronan di personal di hospital cu excepcion di laborantenan y mediconan, a cuminsa un huelga di dos dia na Italia pa nan hanta mihor condicionnan di trabao.

E dokternan y laborantenan lo welga mayan pa tres dia.

### SOEKARNO LO BAI LONDEN!

DIJAKARTA, 10 oct. — E minister Indones di exterior, dr. Soebandrio, a participa cu e a papia cu e embahador Ingles na Indonesia, sir Lesley Fry, tocante e posibilidad di un bishita di president Soekarno na London.

## FOR RENT „VILLA DAKOTA“

Fergusonstraat No. 26, Oranjestad Aruba.  
Three bedrooms, large sittingroom, hall, kitchen, pantry, bathroom, front and back porch and large garden with Palm trees at rear of house

For information call telephone no. 1229, between 1 and 5 o'clock.

### PA UN BON TREAT



ARUBA TRADING CO.

### FRESH UP with

awor embotella na VICTORIA BOTTLING CO.



### TA BENDE UN VOLKSWAGEN

38.000 KM.

Den condicion perfecto. Tyre nobo pa solamente fl. 1.800,—.

Pa info. Boerhaavestraat 66. Tel. 2368.



MAPLETON

Filter Tip y Regular cu su aroma especial

AGENTE: SHANGHAI STORE SAN NICOLAS

### PAPA TA MANDA TELEGRAM PA CARDENAL

CIUDAD DEL VATICANO, 10 oct. — Papa Juan XXIII ayera a manda un telegram pa e cardenal Mericano, Spellman en conecion cu e asalto cu nan a comete diasabra contra su cas. Den e telegram Papa Juan XXIII ta expresa su preocupacion tocante e suceso y tambe ta expresa su desconfianza pa seguridad di e cardenal.

### KAISIEPO LO NO BOLBE NIEUW GUINEA

DEN HAAG, 10 oct. — Segun nos ta informa e ex vice-president di e conseho di Nieuw Guinea, Marcus Kaisiepo, a dicidi pa no regresa Nieuw Guinea. E lo keda Hulanda.

### TA BUSCA PA HUUR un cas of un cuarto muebla

DEN ORANJESTAD

Dirigi carta na oficina di Arubaanse Courant, Nassastraat 85, Oranjestad y skirbi ariba e recomen letter „O“.

### OFICINA MARITIMA DE ARUBA

Tel.: 2664 - 1622

Pa transportacion di mercancia y mudanza

### CISCO KID presenta pa cortesia di ARUBA BOTTLING COMPANY

1. „Bon dia, muchanan! Ami ta Lola Torres, e maestra nobo.“ 2. „Hurra, un tito pa e maestra nobo!“ 3. „Hurra!“



### \*VENTURA DI OLLE pa cortesia di Antillian Hardware Co

Bo mehor adres pa HERMENT, Y TUR MATERIAL DI CONSTRUCCION!

E hoofdman ta bisa Olle pa no papia nada. Si e gismanan mester sabi ta kiko nan a hata antio si e pleitu ta bira grandi. Pero e cabezante di e gismanennan ta cumu vega. Ta kiko ta pasa akian. „Segur e tambe a descubri e buracu.“ E hoofdman ta bisa. Nou, nou e no ta aña bon pa e eskimonan. Ta con eoa ta para?



Un peinado ricu na fantasia por a honja contempla durante campeonato mundial di peluqueranan na Amsterdam. E ta un creacion dje artista di cabei Peter Webb for di Birmingham (dr.) Cleopatra ta nomber dje bunita peinado (r.) un creacion dje artista di alemania occidental Kunwar Simon di Bremen.









## Incidente na muraja di Berlin

BERLIN, 10 oct. — Atera no tin fuñimentonan dje polis di Berlin Oost y West a tira riba otro na e frontera dje sector mericano di Berlin, despues cu un polis di Berlin Oost a tira riba un refugiuado, cu a trata pa hui door di landa den e rio Spree. E direccion di polis di Berlin West, cu a duna e declaracion aki, a bisa, cu un patrulla di Berlin Oost a tira riba un refugiuado, cu a worde herida prome cu e yega orilla dje rio Spree.

Un auto di polis di Berlin West, cu tabata bai pa e lugar dje incidente, casi a worde destrui pa tiro dje oost berli-

nesnan. Pero ningun dje polisnan di Berlin West a hanta herida. Te ainda nan no sa si na banda di Berlin Oost tin victimanan dje tiro. Polis y un ambulance dje chercito mericano, y un ambulance di Cruz Roja di Berlin West y tambe bombero di Berlin West a dirigi nan mes pa e lugar dje incidente, camina nan a cuminsa busca na orilla occidental dje rio Spree, pa e refugiuado herida. Polis di Berlin West a laga busca bou di awa, y te ainda nan no a contra cu e refugiuado. Personanan cu tabata presente a declara, cu polis di Berlin Oost a los 20 tiro. Despues nan a duna dos biaha un signal cu luz corra, y nan a breguza grandi riba rio Spree. Entre tanto a reuni na e orilla occidental dje rio, cerca di Oberbaumbrücke, mas di 150 berlines, cu tabata grita y polis di Berlin Oost asesinan, asesinan.

### NOORD VIETNAM Y LAOS

HANOI, 10 oct. — Tur personal mi-  
star di Noord Vietnam cu poco tempu  
pasa nan a manda Laos riba peticion  
di gobierno di reino di Laos, a wor-  
de retira. Asina e agencia di prensa  
na Noord Vietnam a participa ayera  
na Hanoi, riba orden di gobierno.

## SCHIRRA DEN CONFERENCIA DI PRENSA

HOUSTON, 10 oct. — E astronauta  
Mericano, Walter Shira, kende siman  
pasa charason durante un estadu den  
espacio a haci seis vuelo rond di mun-  
do, a tene un conferencia di prensa  
ayera na Houston, Texas.

El a bisa, cu durante su vuelo di mas  
di nuebe ora e no a hantje den ningun  
dificultad, of mester tabata, ora cu un  
pan sabroso tabata zweef den e cabi-  
na fuera di su alcance.

Segun Shira e rayonnan cosmic no  
tabata di algun importancia. Shira a  
conta cu el a keda algun ratu comple-  
tamente isola di mundo ora cu el a  
stop su baterianan di funciona pa eco-  
nomisa gas tanto energia posibel.

E homber responsable pa e aparatura  
di film y foto abordo di Sigma 7,  
George Valtkye, a participa cu e ne-  
gencia cu nan a tuma durante e vuelo  
di Walter Shira for di den su cabina  
di mishi mas mior calidad cu esan  
cu nan a tuma anteriormente.

### AVION A CAI: 7 MORTO

Na Zuid Vietnam un helikopter  
a cai den e fin di siman cu a pasa can-  
sando morto di tur siete persona cu  
tabata abordo.

Un di e ocupantenan di e avion a  
sali gravemente herida.

Reina Juliana a ricibi na palacio  
di Soesdijk premier di Trinidad  
y Tobago, dr. Eric Williams y  
ministro president di Surinam mr.  
S. D. Emanuels. Riba e portret  
aki nos ta mira di r.p.d.r. prinses  
Beatrix, mr. S. D. Emanuels, rei-  
na Juliana, dr. E. Williams y prin-  
ses Margriet.

### SITUACION NA JEMEN

CAIRO, 10 oct. — E agencia di pre-  
sa pa mediano oriente a participa ayera,  
cu avionnan di e forza aerea republica-  
na di Jemen, a ataca depositonan di  
tribunan den e pueblo „Del Achraf“,  
mas o menos 200 kilometer noordost  
di e ciudad. E atakanan a causa cu  
un gran cantidad di arma y material  
a keda destrui, asina e agencia di pre-  
sa ta bisa agregando cu e material aki  
ta worde usa door di elementonan es-  
tranhero.

Despues di e atake e vice-president di  
e consoho revolucionario di Jemen a  
yama e representante diplomatico di  
Inglaterra den e pais pa e bini Taiz.  
El a mustra e Ingles riba e concentra-  
cion di trupanan Ingles den territorio  
fronteriza di Aden y Jemen y e arma-  
nan bisa cu nan a hanta den poblacion  
di Jemen.

### ADENAUER A REGRESA

Canciller Adenauer diadomingo an-  
chi a regresa Bonn for di vacation na  
e ciudad italiano Cadenabbia. Durante  
su vacation e canceller a combersa cu  
diferente figuranan importante na Eu-  
ropa.

## Ontdekking Op Kliergebied Herstelt de Jeugd in 24 Uur

Lijders nan krachtverlies, zenuw-  
tigheid, zwakte, onzuiver bloed, geheugen-  
verlies, en zy, die oud en afgeleid zijn voor  
hun tijd zullen verheugd zijn van een  
nieuwe ontdekking op het gebied van  
klieren door een Amerikaanse dokter  
te vernemen.

Dese nieuwe ontdekking stelt U in staat  
om vlieg en gemakkelijk de kracht van U  
klieren en lichaam te herstellen, rijk,  
zuiver bloed te vormen, Uw verstand en  
geheugen te versterken en U in slechts 8  
dagen een nieuw mens te doen gevoelen.  
Inderdaad maakt dese ontdekking, welke  
een thuis te gebruiken geneesmiddel in  
nagename tablet-vorm is, klier-operaties  
onnodig en begint binnen 24 uur nieuwe  
kracht en energie te vormen, terwijl het  
niettemin volstrekt onschadelijk en na-  
tuurlijk van werking is.

Het succes van dese verhaselgwe-  
keide ontdekking, die Vi-Tabs heet, is  
in Amerika zoo groot geweest, dat zij  
thans door alle apothekers daar verkocht  
wordt met de garantie van volledige vol-  
doening, of geld terug. Met andere wor-  
den, na gebruik van Vi-Tabs moet U zich  
vol kracht en energie en van 10 tot 20  
jaar jonger gevoelen, of U zoudt eenvou-  
dig het leese pilsje terug en U krijgt Uw  
jeugd terug. Een speciale, dubbelsterke  
herstelt met 48 Vi-Tabs kost weinig na-  
tuurlijk en met de garantie van de be-  
schermt U.

**Vi-Tabs**  
Herstelt Mannelijkheid en Levenskracht

### VENEZUELA

CARACAS, 10 oct. — Den un comu-  
nicado oficial nan ta bisa, cu un grupo  
di extremistanan, consistiendo di mien-  
branan di e partido comunista y di e mo-  
vimiento izquierdista revolucionario a  
haci un atake diadomingo anochi riba  
un stacion di autonan militar.

Segun e comunicado nan a haci e  
ataque for di daknan di casnan den ve-  
cindario. E guardia di e stacion cu ta  
situa na Caracas, a contesta e tiramen-  
to fuerte.

No tabatin victima, pero nan ta bus-  
cando intensivamente na e autonan  
kendenan a hui.

### CONGRESO NA BOEKAREST

— Den e capital di Rumania, Boe-  
karest, nau a cuminsa ayera e di tres  
congreso internacional pa enfermeda-  
nan contagioso. Cientificonan di 25  
pais ta participa na e congreso aki, cu  
lo dura te dia 11 di oktober.

### AUTORIZACIONNAN PA PRESIDENTE KENNEDY

WASHINGTON, 10 oct. — E camara  
di diputados na Merca unanimemente a  
aproba un resolusion den cual nan ta  
apoya president Kennedy na cuikier ac-  
cion, incluso di violencia, cu e lo por  
tuma pa mantene derechonan di alia-  
donan na Berlin.

Nan a acepta e resolusion cu 311 vo-  
to contra cero. Awor nan lo munda e  
resolusion senado.

### Bo dia lo cuminsa feliz si bo desayuno tin koffie MOKA y sucu CISNE.

### MERCA LO TRATA NA ALCANZA LUNA

WASHINGTON, 10 oct. — Na Merca  
nan ta haciendo preparativonan pa bol-  
be trata na alcanza luna. Segun un per-  
sona di e oficina pa vuelonan den esp-  
acio e prueba lo ta den menos cu dos  
siman.

Ya dos biaha eba e mericanonan a  
manda un raket den direccion di luna.  
E prome biaha, na januari di e anja aki  
a faya y e di dos, cu nan a lansa na  
april, a yega na parti patras di luna,  
aunque cu e tabata destina pa parti  
dilatante.

### NACIONNAN UNI TA YUDA PERSIA

NEW YORK, 10 oct. — Asamblea  
general di Nacionnan Uni a acepta un  
resolusion urgente, den cual nan ta au-  
torisa tur oficianan di Nacionnan Uni  
pa haci tur loke ta posibel pa yuda  
e territorionan di Persia cu dia dos di  
september a sufrir di un terrible temblor.

Den e territorionan ey miles di hen-  
dea muri mientras cu mas di trinta mil  
a keda sin cas.

### GOBIERNO EN EXILO

— Prins Ibn Hasan, un yiu di e  
prins di Yemen cu actualmente ta haci  
pretension riba corona di e pais, Prins  
Hasan, a declara na Aden, cu su tata  
lo forma un gobierno en exilio na  
Aden.

Segun e prins nan a nombra un re-  
ligioso cu un anja y mei pasa tabatin  
dificultad cu e difunto Imam di Jemen,  
como premier.

### REFUGIADO DI OOST BERLIJN A MURI

BERLIJN, 10 oct. — Polis di Oost  
Berlin ayera mainta a saca restnan  
di un refugiuado, cu dialuna anochi a  
trata di hui pa West Berlin landando  
door di e rio Spree, for di awa.

Ora cu nan tabata bisa e cadaver dos  
boto di polis di Alemania Oriental a  
bai para dilanti di e lugar pa evita cu  
por a mira algun di e suceso for di West  
Berlin.

E refugiuado, tabata maneta ta conoci  
herida pa balanan di scopet di polis di  
Alemania prome cu e por a alcanza  
orilla na lado di occidente.

Tabatin un tiramento entre polis di  
West y Oost Berlin ora cu un ambu-  
lancia di West Berlin di Chirpa a salba  
di balanan cu e polisnan di Oriental a  
tira riba e refugiuado.

### MERCA Y VIETNAM

HONOLULOE, 10 oct. — E minis-  
ter Mericano di defensa, Robert Mac  
Namara, a delibera ultimo dianan na  
e cuartel general di forsanan militar Me-  
ricano den oceano pacifico. Honoluloe,  
tocante kestion en relacion cu Zuid-  
Oost-Asia.

Na e conferencia ey, e di siete di e  
caracter for di december di anja pasa,  
a asisti diferente autoridatnan militar  
y civil entre kendenan e stafchef di  
forzanan militar Mericano, general  
Maxwell Taylor. Ayera noch Mac  
Namara a regresa Washington.

Prome cu su salida el a declara, cu  
Merca mester expande su yudanza na  
Zuid-Vietnam en bista di e guerra di  
guerrillero den e pais. El a bisa cu e  
ta confia cu e Zuid-Vietnamesnan lo  
por corre cu e comunistanan. El a bisa  
cu e rapportnan cu nan a entrega na  
e reunion ta satisfactoria.

### OEGANDA INDEPENDIENTE

KAMPALA, 10 oct. — Ayera mei  
anochi Oeganda a bira independiente  
durante un ceremonia solem di bandera  
y hopi vuurwerk.

Oeganda ta e di 33 nacion Africano  
cu ta independiente.

Luque di Kent a entrega premier  
Milton Obote e declaracion di indepen-  
dencia. Duque di Kent tabata represen-  
tante di Reina Elisabeth na e ceremo-  
nianan di independencia.

Cu e independencia aki a bini un  
fin na 68 anja di protectorado Ingles.  
Despues di esey nan a baha bandera  
Ingles y direpente nan a laga e ban-  
dera nacional di Oeganda cende den  
securidad.

### POLITICA NA JEMEN

AMMAN, 10 oct. — Radio Sanaa,  
un emisora Monarchista, a haci un ya-  
mamentu na Emir Seif El Hassan na  
nombro di e poblacion pa no laga e  
revolucionarionan intimidanan. Segun  
e emisora e revolucionarionan den e  
capital ta cuminsa bira intranquil y  
nan ta pensando pa hui.

Pero parce cu nan lo scapa di nan  
castigo. Segun Radio Sanaa tin dife-  
rente guarnicion cu a bai pa lado di e  
monarchistanan.

### NAN A FOTOGRAFIA SUBMARINO RUBO

Un avion di marina Mericano a  
fotografia poco tempu pasa un sub-  
marino Ruso na costa di Sicilia. E  
submarino tabata nabegando bao di  
awa. Asina circulanon di marina na  
e base di NAVO, Sigonella banda di  
Catania a participa.

### BO HOROSCOPO PERSONAL

RIES  
11 Maart — 20 April



Tin bon aspecto-  
nan pa loke ta  
depende di finan-  
cia, cas i famia.  
Corda saca pro-  
becho.

TAURUS  
21 April — 20 Mei



Tin cierto aspec-  
tonan di aventura,  
di algo inespera i  
fuera di custum-  
ber cu en general  
lo ta agradable.

GEMINI  
21 Mei — 20 Jun




Ora cu bo exito  
larga spera riba  
dje, sondea e pun-  
tonan debil den  
bo trabao i bo  
plannan.

CANCER  
21 Jun — 22 Jul



Awe tin aspec-  
tonan di tension,  
mal entendimen-  
to of desunion.  
Ta queda na bo na  
combati esaki.

LEO  
23 Jul — 22 Agosto




Bo mester paga  
atencion i interes  
na bo trabao i bo  
asuntonan. Respe-  
ta bo superiornan.

VIRGO  
23 Agosto — 22 Septiembre



Bao di e aspecto  
aqui bo no por  
hanta tur loke  
bo ta desea. Pasa  
prudente.

LIBRA  
23 Septiembre — 22 Octubre



Ta necesario di  
tene bo financia  
na bista, princi-  
palmente ora otro-  
nan por haci uso  
di dje.

SCORPIO  
23 Octubre — 22 Noviembre



Ora cu ta existi  
desunion entre  
abo i otro, un  
areglo ta e mehor  
sistema cu tin.

SAGITARIUS  
23 Noviembre — 21 Diciembre



Un cambio di as-  
pecto planetario  
exigi atencion pa  
trabao practico  
rutina i interes.

CAPRICORNUS  
22 Diciembre — 19 Januari



E anhelo na liber-  
tad i placer na  
grandi cu sa ta  
bo custumber. De-  
tene bo mes un  
poco.

ACUARIUS  
20 Januari — 18 Februari



Cierto casonan  
exigi pacenshi  
prudencia. No tre-  
ce bo seguridad di  
existencia na pe-  
ligro.

PISCES  
19 Februari — 20 Maart



Bo ta hanta  
awe i majan  
atende cu hende  
nan caprichoso  
pretendido. No  
spera cu bo por  
cambia nan.

### HENDE DI COLOR CANDIDATO PA SENADOR

ATLANTA, 10 oct. — Den estado  
Mericano Georgia un homber di color  
a pone su mes candidato ayera pa  
asiento democratico den senado di es-  
tado di Georgia. Ta trata di e jurista  
Leroy Johnson. Dia 16 di e luna aki  
e democraticnan lo eligi nan candida-  
to pa e distrito Fulton. Johnson tin do-  
s adversario, tur dos ta hende blanco.  
E ta e prome homber di color cu  
ta Georgia, cu ta trata di color.

## Bistanan Admirador pa...

# BRYLCREEM

Bo no por presenta cu cabel vel en ta plak.  
Usa Brylcreem, e medio moderno pa larga bo cabel  
queda henter dia perfecto y... mantene completamente  
salud. Cu Brylcreem bo tin exito...  
pasobra mihanen ta gusta e efecto special  
anpi di Brylcreem.  
Sea „den style“ y usa Brylcreem.




BRYLCREEM... pa bo cabel sinfa bon

BUCHI ROBEZ

presenta pa cortesia di:

## PIET'S SODA FOUNTAIN

★ e mehor adres pa snacks, tur clase di dushi, softdrinks, ice-cream y revistas



Resident di Merauke na Nieuw Guinea, dr. Eibrink-Jansen  
a yega Schiphol foi Biak. Un di su prome precausionnan na  
e aeropuerto aqui tabata cambio di placa.